

Тинчлик таянчи

Халқимизнинг чексиз меҳр-муҳаббатини қозонган Биринчи Президентимиз Ислон Абдуғаниевич Каримов қалбларимизда тинчлик, барқарорлик, фаровонлик, тараққиёт ва маънавий юксалиш раҳнамоси ва ташаббускори сифатида абадий ўрин олган.

Биринчи Президентимизнинг мамлакатимиз мустақилликка эришганининг илк йилларида биринчи навбатда, элимизнинг тарихий хотирасини, юксак қадимий миллий қадриятларини тикланишига ҳамда маънавий юксалишига ташаббускор бўлиши натижасида юртимизда маънавий ҳаёт тубдан ўзгара бошлади, халқимизнинг дунёқараши, тафаккур тарзи мустақиллик руҳида тарбияланиб ва келажакка бўлган ишончи юксалиб борди. Буюк давлат ва жамоат арбоби, маънавий юксалиш ташаббускори бўлган ҳамда халқимизнинг, барча ёшларимизнинг қалбидан, хотирасидан ўчмас из қолдирган Биринчи президентимиз Ислон Абдуғаниевич Каримов таваллудининг 80 йиллиги Республикаимизнинг барча ҳудудларида кенг нишонланаётганини гувоҳи бўлмоқдамиз.

2018-йил 30-январ куни Тошкент ирригация ва қишлоқ хўжалигини механизациялаш муҳандислари институти 3-талабалар турар жойида биринчи президентимиз Ислон Абдуғаниевич Каримов таваллудининг 80 йиллиги муносабати билан хотира тадбири ташкил қилинди. Ушбу тадбирда иқтидорли талабаларимиз биринчи президентимиз ҳаёти ва ижодига бағишланган ўзларининг чиқишлари ҳамда шеърлари билан фаол иштирок этган ҳолда тадбирнинг юқори савияда ўтишига ўз ҳиссаларини қўшишди.

Ушбу тадбирга устоз ва мураббийларимиз ҳам ташриф буюришди. Жумладан: “Иқтисодиёт ва менежмент” факултети маънавий-маърифий ишлар бўйича декан ёрдамчиси Турдиев Жамшид сўзга чиқиб ёшларнинг қалбидан мангу жой олган бобомиз Ислон Каримов тўғрисида ўзининг илиқ фикрларини билдирди.

Тадбирни ташкил этган 3-Талабалар турар жойи педагог-тарбиячиси Азиза Ҳайитова ва Ёшлар иттифоқи фаолларига талалабар номидан миннатдорчилик билдирамиз. Азиз ёшлар, шундай аждодларимиз борлигидан фахрланиб, мустақилликни қадрига етган ҳолда маррани каттароқ олиб давлатимиз равнақи учун ўз ҳиссамизни қўшайлик.



3-ТТЖ Талабалар кенгаши сардори Жаҳонгир Саидахмедов ахбороти

Институт матбуот котиби Раҳимбой Жуманиёзов